



EUROPEAN COURT OF HUMAN RIGHTS
COUR EUROPÉENNE DES DROITS DE L'HOMME

ČETVRTI ODJEL

ODLUKA

Aplikacija br. 36168/17
Sreten STEFANOVIĆ
protiv Bosne i Hercegovine

Evropski sud za ljudska prava (Četvrti odjel), zasijedajući dana 16.05.2019. godine kao odbor u sastavu:

Georges Ravarani, *predsjednik*,

Marko Bošnjak,

Péter Paczolay, *sudije*,

i Liv Tigerstedt, *v.d. zamjenik registrara Odjela*,

imajući u vidu navedenu aplikaciju podnesenu 08.05.2017. godine, nakon vijećanja, odlučio je kako slijedi:

ČINJENICE I POSTUPAK

Aplikant, gosp. Sreten Stefanović, rođen 1916. godine, bio je državljanin Bosne i Hercegovine i Srbije, a živio je u Vršcu, u Srbiji. Pred Sudom ga je zastupala gđa S. Poropat, advokat iz Sarajeva.

Aplikantove žalbe iz člana 6. Konvencije i članu 1. Protokola br. 1 uz Konvenciju u vezi njegove nemogućnosti da naplati adekvatnu visinu zakupnine za iznajmljivanje svog stana, uključujući i zakupninu u bilo kojem iznosu za period prije stupanja na snagu Zakona o zakupu stanova iz 2015. godine, komunicirane su vladi Bosne i Hercegovine („vlada“).

Vlada Srbije obaviještena je da ima pravo miješanja u postupak u skladu sa članom 36. stav 1. Konvencije i pravilom 44. stav 1. Pravila Suda. Ona je odlučila da neće koristiti to pravo.

Dana 06.04.2018. godine, prilažući relevantnu domaću dokumentaciju, vlada je obavijestila Sud da je aplikant preminuo dana 27.01.2018. godine.

Dana 30.07.2018. godine zastupnica aplikanta obavijestila je Sud da je unuk podnositelja aplikacije, R.T., izrazio želju da nastavi postupak po aplikaciji, te je priložila kopiju obrasca punomoći koja nije sadržavala

originalne potpise i nije bila ispravno datirana (naveden je datum 21.08.2018).

Dana 01.08.2018. godine Sud je zastupnici aplikanta poslao dopis preporučenom poštom kojim je zatražio dostavu vjerodostojnog dokumenta izdatog od strane nadležnih organa kojim se potvrđuje da je osoba koja želi nastaviti postupak po aplikaciji zakonski nasljednik podnositelja aplikacije, kao i propisno popunjenog obrasca punomoći sa ispravnim datumom i originalnim potpisima. Zastupnica aplikanta je obaviještena da bi Sud mogao brisati aplikaciju sa svoje liste predmeta ukoliko ona ne dostavi tražene dokumente.

Dana 16.08.2018. godine zastupnica aplikanta odgovorila je na dopis Suda, ali je propustila dostaviti tražene dokumente, ne navodeći bilo kakvo valjano opravdanje.

PRAVO

U svjetlu navedenog, Sud nije uvjeren da je u dovoljnoj mjeri pokazano da bilo koji nasljednik ili bliski srodnik aplikanta, koji bi mogao imati legitiman interes da nastavi postupak po njegovoj aplikaciji, to zaista želi učiniti u smislu člana 37. stav 1 (a) Konvencije. Izjava zastupnice bez bilo kakvih potkrepljujućih dokumenata ili barem propisno ovjerene punomoći, ne može se smatrati dostatnim dokazom (vidi, *mutatis mutandis*, *Yakovlev protiv Armenije* (odl.), 33264/03, 14.10.2008.).

Prema tome, predmet treba skinuti s liste.

Iz navedenih razloga, Sud jednoglasno

Odlučuje brisati aplikaciju sa svoje liste predmeta.

Sačinjeno na engleskom jeziku i dostavljeno u pisanom obliku dana 06.06.2019. godine.

Liv Tigerstedt
v.d. zamjenik registrara

Georges Ravarani
predsjednik